

*Sacerdos infundit vinum, postea aquam
miscendam in Calice benedicit, dicens:*

DEUS, ✠ qui humánæ substántiæ dignitátem mirabíliter condidisti, et mirabílius reformásti: (*et infundens parum aquæ in calicem prosequitur*) da nobis per hujus aquæ et vini mystérium, ejus divinitatis esse consórtes, qui humanitatis nostræ fieri dignátus est párticeps, Jesus Christus, Fílius tuus, Dóminus noster: Qui tecum vivit er regnat in unitate Spíritus Sancti Deus: per ómnia sácula sæculórum. Amen.

*Sacerdos lavat manus, id est extremitates
digitorum pollicis et indicis, dicens: (Ps. 25, 6-12)*

LAVÁBO inter innocéntes manus meas: et circúmdabo altáre tuum, Dómine:

Ut áudiam vocem laudis, et enárrem univérsa mirabília tua.

Dómine, diléxi decórem domus tuæ et locum habitatiónis glóriæ tuæ.

Ne perdas cum ímpiis, Deus, ániam meam, et cum viris sanguinum vitam meam:

In quorum mánibus iniquitátes sunt: déxtera eórum repléta est munéribus.

Ego autem in innocéntia mea ingréssus sum: rédime me et míserére mei.

Pes meus stetit in dirécto: in ecclésiis benedícam te, Dómine.

Glória Patri, et Fílio, et Spirítui Sancto. Sicut erat in princípio, et nunc, et semper, et in sácula sæculórum. Amen.

*Porrigit calicem ministro, qui infundit in eo parum vini, quo se
purificat: deinde prosequitur:*

CORPUS tuum, Dómine, quod sumpsi, et Sanguis, quem potávi, adhéreat viscéribus meis: et præsta; ut in me non remáneat scélerum mácula, quem pura et sancta refecérunt sacraménta: Qui vivis et regnas in sácula sæculórum. Amen.